

չուրջանակի, և ցորեան և ալիւր և այլ ինչ ի գիւղօրէից ոչ կարէին բերել. և սակաւացաւ հացն հոգեպահ. և աստ էր տեսանել զկականս աղքատաց, և ո՛վ կարէր ողբակից չի լինիլ նոցա. աստուածաշունչն իբր զարմանալով ասէ, և չնչին փայտի հաւատան մարդիք զանձինս. իսկ աստ ոչ փայտի, այլ եղէգան... Չուրն ինն մարդապօյ բարձրացաւ ի հասարակ ընթացիցն. ի պարտիզի եկեղեցւոյս մարդապօյ և կէս բարձր էր Չուրն, և ի հին տունն և յաշխանան եմուտ Չուրն. և մեք ի բիօղան ի քաղաքամիջի բնակէաք, և հայր սիմոնն ձկնորսութեան պարապէր ի բիօղայէն. և աւելի քան զբրետուն ձկունս որսաց և կարէր հազարաւորս որսալ, այլ ես այնչափ թողի, զի լիցի կատուաց կերակուր զի երկնչէի ուտել. ի փողոցս քաղաքին վրիտային ձկունքն, զի զեղան ի թունայէն ձկունքն և մտին ի քաղաքն վասն առատ և պարարտ կերակուրս գտանելոյ: Ինն հարիւր տուն ի հիմանց տապալեցաւ, և ոչ մնաց և ոչ մի տուն, յորում ոչ իցէ ֆլասեալ Չուրն. կամ ի մի կողմն փլոյց, կամ ի մի կողմն ծռեցոյց, և կամ ճայթաձօս ետ. սակաւ տուն և տեղի մնաց ի քաղաքիս, յորս ոչ եմուտ Չուրն, բայց ընդերկրեայ անցիւք զհիմունս տանց կակղացոյց և ֆլասեաց. ես հնգետասան օր ի բիօղան բնակեցայ և յետոյ մտի ի տուն փախուցեալ ի զարշահոտութենէ չրոյն և ի յանձրեոյ. զի գրէթէ ամիս երիս անդադար անձրեւէր. իսկ հայր սիմոնն յետ ութուտասան աւուր. զի եկեղեցւոյ և տան կահքն էին ի բիօղան, և չէր հնար միայն թողուլ: Այժմ շնորհիւ տեառն ի տուն բնակիմք, բայց չև են կարգաւորեալ կահք տան. և դեռ ունի Չուրն զփողոցն որ յանդիման եկեղեցւոյս, և կարմունճով գան յեկեղեցին, և սակաւ սակաւ նուագի Չուրն: Բայց այնպիսի ինչ արար Չուրն քաղաքիս, որ մինչև ցլիսուն ամ յառաջին աստիճանն ոչ կարէ զալ քաղաքն: ... այժմ աչօք բացօք տեսի, զի Չուրս այս յոր պարտէզ և եմուտ զամենայն բոյս և զամենայն ծառս չորացոյց, և զհողն այնպէս վտտացոյց, մինչև ոչինչ կարէ բուսուցանել, և եթէ բուսուցէ ևս վտիտ յոյժ, և մարդիք որք առ հարկի ի մէջ չրոյն զայլէին, խոցիւք և վիրօք ելից զմարմինս նոցա. զչրհորս ապականեաց: ... այժմ լուայ թէ թիսայ գետն ևս պակասի, և է անցք դէպի թմշուար...:

Յամի տեառն 1770 յուլիսի 18  
 [Պաշպալով]

Նուաստ ծառայ  
 Հ. Կարապետ վրդ. Միխիթ.

**ՄՂԷ.**

**Եր. Տէր Կոմիտասի համանուն թողը մեր նամակագրին միջոցաւ մայրավանքէս կը խնդրէ՝ որ իբեն զրկուի իր պապուն մասին կենսագրական ծանօթութիւնները:**

**Գերաւեճար Գերայրգելի Արքայնոր մերոյ Տեառն Տեառն Ստեփաննոսի վրդպ.ի ողջոյն**

... Է աստ պատանի մի՝ 22 ամաց թոռն երանելի տէր Կոմիտասին՝ որ և նա ըստ անուան պապուն իւրոյ կոչի Կոմիտաս, և Ֆռէնկերէն Կօզմաս, զի է տիւրղլանի Անափօլիի էլչուն. որոյ հայրն յօհաննէս, զոր քաջ ճանաչէ մեր Հ. մկրտիչն, էր թէրճիման նոյնոյ էլչիի: Այս պատանի այժմ ի խնդիր է շարադրել զվարս պապոյն իւրոյ երանելի տէր Կոմիտասին. և լուեալ թէ ի վանս մեր կայ շարադրեալ ի մեր Վ. Հ. Մատթէոս Վ. խնդրէ մեծաւ աղերսանօք զօրինակ մի այնր շարադրելոյ ի Հ. Մատթէոսէն: Ապա խնդրեմ և ես ընդ նմա, զի տաշխօ օրինակել զայն. և առաքեսջիք այսր տիսփացիօյով. զայսմանէ և մեր թօմայ աղայն սեղբոսեան ունի գրել կամ առ ձեզ և կամ առ եղբայր իւր յօհաննէս աղայն: Խնդրէ և զայս. զի յորժամ օրինակեալ զայն առաքեսջիք այսր, գրեսցէ Հ. Մատթէոսն և զայս բան թէ ի հաւատարիմ պատմչաց և ի պէսպէս ձեռագիր թղթոց հաւատարիմ անձանց գրողաց զվարս նորա, լուեալ կամ առեալ շարադրեցի. և թէ կարելի է, դիցէ ևս զանուանս և զհանգամանս պատմչաց և ձեռագիր թղթոյն: Խնդրէ